



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex
Hebraica veritate in Latinum carmen obseruantissimè conuersi

Arias Montano, Benito

Antverpiæ, 1589

Psal. LXXVII. Voce mea ad Dominum clamaui.

urn:nbn:de:hbz:466:1-44993

- 4 Ille & ignitas ibi fregit arcus
Cuspides, scutum, gladiumque, & VSQVE
- 5 Bella. Tu clarus, validus rapaces
Vincere monteis.
- 6 Corde robustis spoliata celsit
Præda victori tibi: dormiens tunc
Mens viros forteis tenuit, manusque his
Nulla reperta est.
- 7 Dum tua obiurgans DEVS alme Iacob
Vox sonat, curus, equus, & magistri
Obruti segni posuere somno
Languida membra.
- 8 Tu potens, terrens, metuendus ac tu;
Cum tuus vultus caluitque nasus,
Quis queat præsens trepidante nunquam
Sisteres gressu?
- 9 Iudicem cælo simul ac tonantem
Audiit tellus, metuens quiescit
- 10 VSQVE, dum seruans humiles stat æquos
Numine PRINCEPS.
- 11 Bilis acris nam te hominis fatetur
Vindicem; quidquid tibi restat iræ
Cinge; mortali reliquos tremendos
Cinge furores.
- 12 Vos DEO circum populus propinquus
Vota damnate, atque animum probanti
Soluite, ac munus properate forti
Terribilibique.
- 13 Vineæ plenos veluti racemos,
Spiritus sciadet nimium tumentes
Principum; terræ penitus tremendus
Regibus ipsis.

PSAL. LXXVII.

Voce mea ad Dominum clamaui.

SPEI FVLGIMEN SAPIENS
OBSERVATIO.

2 Ad præstantem super Ieduthun, Asaphi Psalmus.

Carmen Tricolon Terraestrophon.

- 2 **C** Lamore vocis cum querula DEVM;
Voce ac DEVM cum sollicito mea,
Attendit is, præsentem & aure &
Nunquam mi propior benigno.

3 Angusta

- 3 Angusta quando me premeret dies,
 Curis petebam sollicitis H E R V M,
 Manante tota nocte nostro
 Vulnere (nec requies) cruorem.
 Solamen hæc mens respuit ac fugit:
- 4 Tantum D E I cum sim memor infremens,
 Contemplor hic ; & pressus vsque
 Spiritus obruitur dolore...
- 5 Per te meorum sunt quoque luminosa
 Detenta claustra, mutus vt hæream:
- 6 Quondam nec oblitus dierum
 Sæcla suos recolo per annos.
- 7 Et mente nostram dum recolo lyram,
 Cor nocte curis spiritus implicat:
- 8 Sæclis H E R V S num nos repellet?
 Nunquam animum referetque amicum?
- 9 Num vim benigni numinis abstulit,
 Profusque dictum desit omnibus
- 10 Sæclis ; & ignouisse F O R T I S
 Immemor est penitusque cessat?
 An ne vsque clausit viscera, cum furor
 Nasum repletet? duruit intimè
 Pectus benignum, nec misertus
 V S Q V E animum & facilem reducet?
- 11 Correptus inquam, quin labor hic meus
 Altæ reponet tempora dexteræ,
- 12 Antiqua gesta mira & I A E
 Ipse meis memorabo in annis?
- 13 Nam cogitabo exempla que singula,
 Et gesta voluens mente colam tuas:
- 14 Tu more sancto semper idem
 Es D E V S atque viæ probatæ.
 Quis F O R T I S æquat magnificum D E V M?
- 15 Tu F O R T I S auctor mira que perficis,
 Tu robur istud vimque magnam
 Nossè dabis populis tremendus.
- 16 Isto redempta & libera brachio
 Proles Iacob, Iosephidum & genus
 Exultat; & nomen sacratum
 Vsque tibi populo huic reponis.
- 17 Videre & vndæ te, & trepidi quoque
 Videre fluctus te pelagi D E V S,
 Et stagna, spumantesque abyssi
 Oceanus tremuitque vastus.

- 18 Nubes procellas imbris arduæ
Fundere aquosas, vox sonuit polis;
Cursus sagittarum marum
Aethereas peragrauit oras.
- 19 Tunc vox fragoris pertonuit tui
Tractum rotundum, luceque fulgurum
Splendebat orbis; fundo ab uno
Contremuit pauefacta tellus.
- 20 Constrata salsum per pelagus via est,
Cessit reductis quod tibi semitis:
Vestigia aut obducta demens
Turba petit, reperitque nulla.
- 21 Mosis fideli & pontificis manu
Aaronis almus tu populum tuum,
Pastor pecus ceu, congregatum
Per nemora & fluuios agebas.

PSALM. LXXVIII.

Attendite popule meus legem meam.

IUDICII ET MISERICORDIAE PARTES.

1

Admonitio Asaphi.

Carmen Dicolon Distrophon.

- A** Vribus intentis, popule ô, mea percipe dicta,
Et ore, disce, quæ tibi feram meo.
- 2 Antiquis vates exemplis ora resoluam,
Promptus referre quæ abditis latent modis.
- 3 Quæque ipsi ex patribus nostris audita tenemus,
Malum nefasque sit latere posteros.
- 4 IAE vt narremus laudes mirandaque gesta,
Stupenda celsis atque facta viribus.
- 5 Israëlique datam legem testetur Iacob
Referte iussa filiis monens suis;
- 6 Natorum vt ventura atas sciat, illaque dicant
Et sæcla narrent affutura posteris:
- 7 Inque DEO figant memorem spem, gesta que foris
In mentem secum non mouenda conferant:
Illius ac studio obseruent præcepta probando,
Patrumque facta deserant rebellium:
- 8 Exempla ætatis fugiant, ætatis inique
Malisque corda iam notata fraudibus:

Cuius